

Incwadi ethunyelwa amalungu e - Bhunga le Overstrand esesikweni

INKQUBELA MALUNGA NOTHINTELO LWEENGXAKI IZICWANGCISO EZIKHOYO ZOKUNCIPHISA ILAHLEKO YEMALI

UMasipala wase-Overstrand wenze inkqubela ebonakalayo ekusombululeni iingxaki eziphambili ezili-10 kushishino ezibonwe ngoMatshi nonyakanje. KwiBhunga kuthiwe thaca ingxelo ethi inkoliso yazo iza kudandalaziswa ngokupheleleyo ekupheleni konyakamali.

IKomiti Yeengxaki KaMasipala sele iqwalasele uluhlu olulandelayo lweeNgxaki Ezilishumi Eziphambili ngoNovemba kwaye iza kuqwalasela iiprojekthi ezimayela nazo ukuze ziqukwe kwimali okanye kulwabiwo-mali lonyaka-mali ozayo.

Ngokutsho kwale ngxelo, ingxaki yelahleko yemali ngenxa yelahleko Yokuhanjiswa kwamanzi, iimali zamatyalwa ezendlela angaqokelelwanga nokonakaliswa kwempahla yabantu kuye kwachazwa ngeendlela ezahlukeneyo.

Kuye kwakhutshwa iithenda zokuhlaziya kwemibhobho yamanzi emidala eHermanus naseHanglip-Kleinmond, ukuphicothwa kweemitha zamanzi yinkqubo yolungiso lweemitha ezingama-4000 ngonyaka nosetyenziso lwamanzi olungagunyaziswa luza kunikwa ingqwalasela ngamanyathelo angqingqwa aya kuthathwa ngabalawuli nabasebenzi.

Ithenda yokutshutshiswa kwabo bophula imithetho yezendlela inikezelwe kwaza kwaqulunqwa nomgaqonkqubo wokutshutshiswa kwabo bonakalisa impahla yabantu. Sele iziswe ngaphambili nenkqubo yokunikezelwa kwemali-mbuyekezo kwabo beza nenkcazelo.

Ingxaki yokuphulukana nenkcazelo ye-elektroniki okanye inkcazelo yekhompyutha iza kusingathwa kwiithenda eziza kunikezelwa kungekudala zeseva yexesha lentlekele kunye nenkqubo yocino (virtualisation) yolawulo olundawonye.

Ukungabi nazixhobo zaneleyo zokucoca kwamanzi nogutyulo eHermanus kuza kusingathwa kunye nokuvuselelwa kwezi zakhiwo kunyaka ozayo, nangona ukuvuselelwa kwezi ndawo zombini kuxhomekeke ekuqunjelweni kokuhlolwa kwefuthe lezendalo.

Iingxaki zokuhlanjiswa kwamanzi ezikhukula sele zisingathiwe kunye nokwalathwa kweendawo ezineengxaki namalungiselelo emali kulwabiwo-mali lwangoku. Ithenda iza kukhutshwa kungekudala.

Ingxaki yokuphazanyiswa okanye yokungabi nambane waneleyo nayo seyisingathiwe kunye nokufakwa kwesixhobo esiphepha umbane (generator) sikaxakeka kuVimba kaMasipala waseHermanus kwakunye nokukhuthazwa kokongiswa kombane kulo lonke uphuhliso olutsha, nto leyo etheth' ukuthi abaphuhlisi

bafanele beze ngaphambili nezicwangciso zokonga umbane ngaphambi kokuba lwamkelwe olo phuhliso.

Indawo ephakamileyo yase-Olifantsberg iza kuhlaziya kungekudala ukuzama ukuthintela ukuphazamiseka konxibelelwano lukanomathotholo lukamasipala. Iimpahla ezikhuselayo sele zi-odiwe ukwenzela imisebenzi ethile yocimo-mililo neyeendawo zokucoca amanzi. Kuye kwenziwa imizila yokuthintela imililo kutshanje kwiZiko loLondolozo lweNdalo iFernkloof nakwezinye iindawo ukuthintela imililo engeyomfuneko yamatyholo neentaba. Kuye kwanikezelwa ithenda yolawulo lweendawo ezizimbacu.

Ukufakwa kwenkqubo yenkundla kamasipala sele kuza kugqitywa, njengoko kulindelwe umgaqo-nkqubo weGunya-Bantu loTshutshiso likaZwelonke.



Olu dederhu lutsha lweevenkile lunendawo ezingama-650 zokumisa iimoto kumbindi weHermanus yaye ziza kwindolophu yethu ifikeleleke lula kwiindwendwe. ISakhiwo seSikhululo esitsha sahlaziya njengenxalenye yolu phuhliso yaye nendlela ezakhiwe ngayo ezi venkile ifana naso, phakathi kwezinye izinto, ngenxa yeengcamango zomzobi weepiani ongasekhoyo uHannes Meiring.

UPHUHLISO OLUTSHA LUSIBEKE EMANQWQWENI APHEZULU

Ukuvulwa kodederhu lweevenkile kwiSikhululo saseHermanus kunye neendlela eziya kucutha ingxinano kwi-CBD kube luvutho-ndaba lwenkqubo yophuhliso etsale iminyaka emininzi ebjoliswe ekuvuseleleni isigqibo sezoshishino saseHermanus nokufunqula uqoqosho lwe-Overstrand.

"Sikholelwa kwelokuba olu phuhliso luza kuba ngumkhoka kutyalo-mali nophuhliso olungakumbi kummandla wethu okhula ngokukhawuleza. Ngenxa yezanzwili zamaxesha esiphuma kuwo kutshanje, ama-R200 ezigidi ezichithwe kulwakhiwo lwezi venkile sezilufunqile uqoqosho – hayi nje kuphela kubantu balapha, kodwa nakubantu baphesheya," utshilo uSodolophu uNicolette Botha-Guthrie.

Kumasipala, lo msebenzi wokuvuselela ugqityiwe kusele nje ukuhlaziya kwerenki yeeteki. Ukongezelela ekuphuhliseni ngokutsha kwendawo yesikhululo, lo msebenzi ukwaquka ukwakhiwa kwendlela eza

kuphungula ingxinano kwi-CBD, ukuhlaziya kweMarket Square nokwenziwa kwendawo yabahambi ngeenyawo nendawo yokumisa iimoto eGearing's Point neCliff Tops.

Njengoko sekuqaliswe imisebenzi yoqoqosho kule ndawo, imarke yeempahla kunye neenkono ziza kuthi chatha kuze kwandiswe nabasebenzi, kwaye olu phuhliso luza kuba nefuthe kuphuhliso lorhwebo olutsha, utshilo uNkos. Botha-Guthrie.

Uqikelelo lolwando lwezigidi ezingama-R428 kushishino lonyaka luza kuwufukula lo mmandla xa uwonke, nto leyo eya kubangela uchatha kwimveliso neenkono. Ifuthe loku kwingqesho liqikelelwa kwimisebenzi ethe ngqo engama-402 kwaneminye imisebenzi engathe ngqo engama-521, eya kuthi xa iyonke ibe yimisebenzi engama-922, inkoliso yayo iya kuba seHermanus.

Inzuzo yoku kuMasipala wase-Overstrand iqikelelwa kwizigidi ezi-R1,8 ngonyaka kwiirhafu neentlawulo

zeenkono. AbakwaCheckers noShoprite bakwahlaziye isakhiwo seSikhululo, belondolozo imbali ethile ye-CBD bekwabeka nesiseko apho abakhenkethi benokubona idolophu nommandla wethu.

Uphengululo lwemeko yezoqoqosho ebiphelelelwe nguMasipala wase-Overstrand lufumanise ukuba iindleko zokusetyenziswa kweemoto kunye neengozi ziza kuncipha kwi-CBD ngenxa yendlela entsha evulwe ngokusesikweni ngoLwesihlanu, umhla wama-26 kuNovemba wama-2010. Olu phengululo lubale inzuzo yabasebenzisi yepesenti yexabiso lazizigidi ezili-R144 kwiminyaka engama-20.

Indlela ye-CBD yakhiwa ngezigidi ezingama-R24 ukuphucula ukuhamba kwezithuthi nokhuseleko kwindlela yedolophu. Umbindi wekomkhulu lehlabathi leminenga uza kwenza kube lula nangakumbi kubahambi ngeenyawo ukuhamba kuyo, yaye loo nto iza kulufunqula uphuhliso lwezoqoqosho.

NGOKU OONOGADA NABO BAHLAMBA IIMOTO BAZA KULAWULWA

Kude kube ngoku, kuye kwabonakala iqela labantu kuMbindi wezoShishino weDolophu (CBD) kummandla waseHermanus abazibiza ngokuba 'bangabalindi beemoto', 'oonogada bokumisa iimoto'.

Kwiinzame zokulungelelanisa nokulawula le misebenzi, umasipala uvele nesinixibo nemithetho eya kunceda abanini zimoto bakwazi ukwahlula 'oonogada beemoto' kunye nabalindi 'abahlamba iimoto'.

Ukususela kumhla woku-1 kuDisemba, bonke oonogada beeMoto nabalindi abahlamba iiMoto baza kwahluka kwabanye abantu, besahluka ke phofu ngemixakatho e-orenji neluhlaza eya kuba nenombolo yomnxeba yegumbi lolawulo likamasipala. Baza kusebenza kuphela kwi-CBD.

Oonogada beemoto bayawamkela torho 'amaqithiqithi' okuzithandela ngokukugcinela imoto yakho. Baza

kusebenza kwi-CBD phakathi kwentsimbi yesi-17:00 malanga neyesi-08:00 kusasa kuphela. Abanakuzenza abahlambi beemoto.

Abahlambi beemoto ngabantu abakuhlambela imoto yakho ngentlawulo ebekwe ngabo yaye banokuyihlamba imoto yakho phakathi kwentsimbi yesi-08:00 kusasa neyesi-17:00 malanga kuphela. Bangasebenza kuphela kwezi ndawo zilandelayo zokumisa iimoto: iBarneys, iCliff Tops, iFNB, iGearing's Point, iMitchell's Street, iRossi's, iSavannah Café, iSpur/Clicks neWoolworths. Abanakuzenza oonogada beemoto.

Ngexa wena mnini moto unganyanzelekanga ukusebenzisa iinkonzo 'zoonogada beemoto' kunye 'nabahlambi beemoto', ungazisebenzisa xa uthanda wazi kananjalo ukuba eyehlayo yehlela wena nanjengokuba aba bantu bengaqeshwanga



Oonogada nabahlambi beemoto banxibe impahla yabo entsha. Lo ukunye nabo iGosha loPhuhliso loQoqosho lwezeKhaya uJolanda Hendriks kunye neNgqonyela yoNyanzeliso loMthetho, uMarius Hendriks.

ngumasipala.

Abalindi beBuyambo: Sicela niqaphele ukuba 'oonogada beemoto' 'nabahlambi beemoto' anibabhidanisi neenkonzo 'zabalindi beemoto' bona abanxiba imixakatho ebhlowu kunye neekepisi. Abalindi bokuMisa iiMoto, abaqeshwe ngumnikazeli weenkonzo iBuyambo Properties, baqokelela iintlawulo

kwiindawo ezithile eziphawuliweyo. Iintlawulo zokumisa iimoto ziqokelelwa 'ngaBalindi beBuyambo' phakathi kwentsimbi yesi-08:00 neyesi-17:00 malanga ngeMivulo ukuya kutsho ngoolwezihlano phakathi kwentsimbi yesi-08:00 kusasa neyoku-13:00 ngeMigqibelo. Ukumisa iimoto ngeCawa nangeeholide zetyalike kusimahla.



Foto: Francois de Jongh.

Kuvulo lwesebe elitsha logcino-zincwadi elimelene neHolo iBamboes eBuffeljagsbaai, ukusuka ekhohlo nguSodolophu uNicolette Botha-Guthrie, uSekela-Sodolophu uPieter Scholtz, umphathi womzi wogcino-zincwadi waseBuffeljagsbaai uSophia Boshoff, umphathi womzi wogcino-zincwadi waseGansbaai uSharmen Geldenhuys, umphathi walo mmandla uKat Myburgh, uDesirée Barnard osuka kuMasipala weSithili sase-Overberg, uMhlengi Ngocobu osuka kwiinkonzo zeMizi yoGcino-zincwadi zePhondo, kunye noRoderick Williams, umlawuli weenkonzo zoluntu. Ifoto: nguFrancois de Jongh

IBUFFELJAGSBAAI IFUMANA ISEBE ELINCINANE LOGCINO-ZINCWADI

Njengoko kuvulwe ngokusesikweni isebe logcino-zincwadi kuLwesine ogqithileyo eBuffeljagsbaai, abahlali bale ndawana incinane yase-Overstrand ngoku baza kukwazi ukufikelela kwiincwadi ezimalunga ne-1500 kunye neenkonzo zomzi wogcino-zincwadi iintsuku ezintlanu neveki.

USodolophu uNicolette Botha-Guthrie uluchaze olu phuhliso njengomzekelo oqaqambileyo wokubambisana norhulumente kwizinto ezincinane. Le mfundo ibonwe yiKomiti yezeMpilo neNtalo-ntle kaMasipala weSithili sase-Overberg, i-ofisi yoLawulo lwePhondo leNtshona Koloni ikhuphe imali, waza uMasipala wase-Overstrand wahlaba eyakhe indima.

Kwakhona iinkonzo zemizi yogcino-zincwadi zephondo zibinze ngeekhabhathi ezimbini ezihambayo kulo mzi wogcino-zincwadi mncinane.

Abantwana abahamba umgama oziikhilomitha ezingama-40 ukuya kwesona sikolo sikufuphi eGansbaai, abazi kuba nanto yakusithela kwixa elizayo ngemisebenzi yesikolo eyenzelwa ekhaya engenziwanga kakuhle. Apha

akufumaneki nje kuphela iincwadi zeembekiselo ezisemagqabini, kodwa injongo kukunikezela ngobugcigoci beintanethi kungentsuku zatywala. Imiqobo yolwazi nokukhanyiselwa iyadilizwa ngoku, utshilo uNkos. Botha-Guthrie.

"Ibuffeljagsbaai isengaba yeyona ndawo incinane apha e-Overstrand, kodwa umasipala wethu nebhunga bayigqala njengendawo ebaluleke kunene. Nani nizebonele loo nto xa besivuselela iHolo iBamboes saza senza novimba omtsha ukuzama ukuphucula umgangatho wamanzi esiwazisa kuni. Kaloku nani niyinxalenye yombono wethu wokuba iziko elibalaseleyo kuluntu lwethu. Kufuneka sikhinele phambili njengamntu-mnye. Akukho mntu ufanele ashiywe ngasemva," utshilo uSodolophu.

Evakalisa ilizwi lombulelo egameni loluntu, uceba wewadi, uMnu. Pieter Scholtz, uthe uluntu lufanelwe ngumzi wogcino-zincwadi yaye luza kwunyamkela kakuhle. Ucaphele amazwi ento kaLangenhoven owathi isizwe esifundayo iba sisizwe seenkubabuchopho, kwaye isizwe seenkubabuchopho iba sisizwe esongamileyo.

IMIGODLO EYA KUMAGUMBI EEMKO ZONGXAMISEKO



Njengenye yeeprojekthi zakhe zokugqibela njengenkosikazi kaSodolophu, uMarianne Beyleveldt wabeka imigodlo yoncedo lukaxakeka kumagumbi eemeko zongxamiseko ase-Overstrand. Imigodlo engamashumi amabini eneemveliso ezinjengeentlama zamazinyo, isepha, iitawuli zokuhlamba kunye neethishu ezithe zanikezelwa kumagumbi amahlanu eemeko zongxamiseko ase-Overstrand. Injongo yale migodlo kukunika intuthuzelo kumaxhoba okudlwengulwa.

COMMUNITY POLICE FORUM



IMALI-MBUYEKEZO NGOKUGQITHISA INKCAZALO

Ukonakaliswa kwempahla yabantu kumtyabula kanobom uMasipala wase-Overstrand, yaye ngokwentelekiso, kudla nabahlawuli beerhafu imali eninzi, yaye eli gunya lijonge ukuyiphelisa kuthi tu le into.

Ngokomzekelo, kutshanje kutshiswe inqungwala elenziwe ngemithi elihlala oonogada kwindawo yepikiniki kufuphi neGrotto Strand. Akutshanga nje eli nqungwala kuphela, kodwa konakele nesikhululo esincinane esikufuphi sombane kunye nevenkile yokutyla. Umonakalo obhekele phaya ubangele ukuba ugutyulo kuLwandle iGrotto lungahanjiswa kakuhle kunoko luhanjiswa ngeelori ngeendleko ezinkulu.

Esi siganeko nje sisodwa sityabule umasipala ngaphezu kwama-R17 000 yaye le mali ayikadibani neyokulungiswa komonakalo

owenzeke kwivenkile yokutyla.

Kungatshon' ilanga sibala neminye imizekelo. Ngokweerandi, abasemagunyeni baqikelela ukuba uwonke umonakalo wokonakaliswa kwempahla yabantu ngolunya ufikelela kumakhulu amawaka nyaka ngamnye.

Umasipala akazi kuyinyamezela tu ke le into yaye ukuba abo banetyala babanjiwe, kuya kufakwa izimangalo zolwaphulo-mthetho emapoliseni yaye kuya kufuneka bahlawule loo monakalo.

Ukuze sikwazi ukwenzela loo nto, sidinga intsebenziswano yoluntu yaye sikulungele ukuhlawula isixa semali-mbuyekezo ngenkcazelo enokwenza zibanjwe izaphuli-mthetho.

Iziganeko ezilulu hlobo zinokuxelwa nanini na, emini okanye ebusuku, kwigumbi lolawulo elisebenza iiyure ezingama-24 (028 313 8111).

NATIONAL
FRAUD HOTLINE

0800 701 701